

考城縣志

卷一至三

00152.45

41

1-6

中華民國十三年秋月
河南通志局審定

考城縣志

考城縣志叙

今之志猶古諸侯之史也史不一其書而著之爲經獨猶有春秋春秋一出則其他皆可廢焉曠觀諸行省各縣靡弗志矣志歷數十年或百餘年靡弗續之矣其屬辭比事深於春秋之教者蓋渺矣而顧不可廢者無論何縣之志其志何人之筆官斯土者座必庋一編以周知其風土人情而治賤治不肖之道燦然具矣生斯土者家必購一帙以循覽其先疇舊德而勸善懲淫之意油然而興矣是以君子貴焉苟其書不乖於義例不儉於文辭不整於古作者之法豈不尤可貴哉考城介豫之東北周爲戴國春秋時爲葵邱爲穀城秦置留縣東漢改爲考城縣其縣治曩踞黃河北今在黃河南矣河道變遷自古已然無足怪也歲戊午余承乏是邦取架閣官書閱之則舊志續修於康熙三十七年距其時已二百有二十年歲月錦遠文獻缺有間矣迺與邦人士亟謀所以重新之者而以荏苒不靖防剿兼施不果行癸亥夏再權是

篆謀諸邑紳設局重修聘禹縣田孝廉荔軒先生任纂修之事補缺增遺勤加蒐討六閱月而書成余不文未知屬辭比事果有合於春秋之教焉否耶而是書之不乖義例不儉文辭不整古作者之法其於古諸侯之史差伯仲焉是書也成俾守土之人一展卷而山川戶籍土俗民情如視諸掌焉於以體國經野度地從政使吾考邑之民同登康樂和親之書於永禩也是則官斯土者之志也夫是則生斯土者之志也夫

民國十有三年年夏歷閏逢困敦道家大慶之月署考城縣知事冠縣張之清筱潭甫敘於縣署東偏之退思軒

考城縣志序

余家僑寓考城歷有年矣於邑之故事固亦畧有所知然大半得之故老之流傳其端厓僅具而不克竟其全者十恒六七則欲徵之於志乘而縣之舊志又斷自康熙三十七年其後無聞焉蓋考城之爲縣始屬歸德府中間改屬衛輝府後還屬歸德而今之縣治亦非昔地當康熙三十七年以前縣固未嘗改屬而城亦未嘗移也此皆邑之大事其他瑣瑣尤夥經歷二百餘年而無以紀之豈不大可懼乎今邑侯張君筱潭於其復任之初卽汲汲焉以修志爲念延禹縣田荔軒孝廉主其事而以邑宿李君信甫蔡君激泉諸人任編緝之役田君學有本原提綱絜領發明義例爲目者十有四李蔡諸君卽徵文考獻搜殘拾墜貫穿二百餘年之間卒使大者畢舉細者亦未盡湮沒其用力可謂勤矣夫方志在目錄中屬地理而實具史之全體也體不備不可以爲國史亦不可以爲方志宋元以來作者代有其人而能備體者爲明

康海武功志韓邦清朝邑志一謹嚴如漢書一疏古似史記古人所稱洵不誤也明清初方志競務簡要致實事化爲空幻且好用偶句不散不整通儒譏焉及清中葉各省府州縣皆以修志相尙其志多出碩學之手卽以縣志言洪亮吉則有涇縣志淳化縣志孫星衍則有三水縣志錢坫則有朝邑縣志段玉裁則有富順縣志章學誠則有永清縣志天門縣志李兆洛則有鳳台縣志而河南與之抗衡者則有武億安陽縣志其體例甚周備而又有別裁有斷制故可貴也今張侯此志未知與古人奚若然其主要則實事求是其事遣辭則務思有以引人興趣而鼓舞以盡神豈惟備史體爲能事乎用是促人羣進化可也民國建元十三年歲次甲子仲秋荷澤何樹楨序

考城縣志叙

吾邑舊志失修已二百餘年矣滄桑遞變陵谷殊形其故家遺俗流風善政所存者不過仟伯之什一苟弗及時蒐羅詳慎記載何以彰先正遺規而備國史之采民國十二年秋山左張公筱潭奉令重治吾邑蒞任伊始即文獻是徵商同地方紳士籌款設局重修縣志未嘗以風塵鞅掌案牘勞形遜謝不遑也其意豈徒使循良官蹟文苑儒林相延不墜歟蓋有見夫閭里之間不乏貞操介節志士畸行甚或苦心孤詣一往獨至有洵非良吏文人所能企及者不甯惟是地方利弊胥關民生若彼前事之已興已革堪爲後事準繩者正不知凡幾儻皆聽其磨滅則實守土者之羞以故上遵功令下詢芻蕘就舊志悉心考訂缺畧者增補之渙散者整齊之錯誤繁冗者勘正而刪夷之舉凡兵刑禮樂制度文爲差徭賦稅風俗人情並父老流傳之軼見逸聞具有可歌可泣可傳之故實者一一著之於篇使閱者一目了然不下几席

而能周知民隱及利弊所在其有裨於從政豈淺鮮哉斯役也膺總纂修之任者爲禹縣田君軒荔學問淵博著述等身其分纂諸君籍隸本土亦皆學具專長課名庠序之選故志之成也條舉目張體例嚴謹一邑之人物典章燦然復備不惟有功文獻抑亦著作之林也勳學政本省省署不獲躬事襄助良深歉仄謹畧識數語以誌景慕之誠中華民國十三年甲子孟夏邑人許承勳

重修考城縣志職員姓氏

主修

國務院存記簡任職署理考城縣知事山東冠縣張之清 筱潭

纂修

汲縣圖書館副館長清光緒癸卯恩科舉人禹縣田春同 荔軒

總經理

本縣商務會會長清庠生 堽陽方劉襄虞 舜臣

副經理兼編輯採訪員

清候選訓導歲貢生堽陽方李心芳 信甫

編輯兼採訪校對員

清 庠 生 堽陽方王荊山 公璧

考 城 縣

卷 四

本縣東區區長清試用訓導廩貢生盟臺方李蘭亭 紹九

清候選查直隸州州判恩貢生董堂方蔡希濬 澄泉

清候選訓導歲貢生青陵岡方戴蘊枝 蔭圃

編輯兼採訪校對繕寫員

清 廩 生 舊城方趙建中 和軒

編輯兼採訪員

清 廩 生 舊城方吳晉成 藩臣

編輯員

高小校教員前本縣勸學總董教
育會會長清候選訓導歲貢生 堽陽方楊際昌 世五

清 副 貢 生 盟臺方張盛森 毅如

官 錢 局 局 長 清 廩 生 堽陽方趙同田 子良

繪圖兼採訪員

清庠生 沈沈方王恩光顯齋

會計兼庶務員

公欸局局長 青陵岡方戴蘊良善夫

書記

清監生 董堂方蔡之璇星樓

探訪員

清庠生 青陵岡方孔繁亮

茨蓬方張永恩

茨蓬方邢潤生

雷寺方孔祥雲

雷寺方朱 炘

清庠生 大劉方劉 珍

考城縣志

卷一

二

大劉方胡金門

賀村方張紹嵩

賀村方張紹俊

小宋方孔繁震

小宋方孔繁緒

董堂方張慶遠

楊橋方王鳳池

楊橋方陳鴻謨

沈沈方蕭金聲

孝城方任凌雲

孝城方董之用

付村方陳盡臣

清庠生
清庠生
清廩生
清廩生
清庠生
清監生
清庠生
清庠生
清庠生

清庠生 付村方周冠三

清庠生 順流方張以約

清庠生 順流方張本森

清庠生 新興方張鳳圖

清庠生 新興方秦錫九

清廩生 盟台方王履道

清廩生 盟台方李茂松

佐理員

河南省議會議員 青陵岡方戴鴻道 貫一

法校畢業生 雷寺方閻公慈 少南

教育局局長北京大學商科畢業小宋方張 雲 雪亭

清孝廉方正廩生 賀村方張士信 登民

第一師範畢業 雷寺方朱紹閔 閻軒

繕寫員

清庠生 盟台方李在錄

八等嘉禾章前北洋陸軍司書 堽陽方楊爾蔚

堽陽方王書山

堽陽方李耀先

堽陽方王文曾

堽陽方周富昌

堽陽方劉遇辰

堽陽方劉向辰

公欸局書記員

校對員

法政畢業

無錫滕國楫 再洲

分發河南任用薦任職 杭縣黃 航 慈舟

清 庠 生 開封錢鳳鈞 紹庭

清 增 貢 生 徐水徐 墀

凡例

- 一 大綱悉遵頒發河南各縣重修縣志編次法而融會變通以期不背今古若編纂大旨古畧而今詳古簡而今繁悉循進化公例
- 一 考邑有志始於明永樂間雖屢次重修惟清康熙三十七年陳德敏志尙存又甚殘闕茲据民間抄本若有採錄悉注明曰陳志以爲識別
- 一 是編不用陳志體例與續修不同名曰考城縣志自夏商迄民國十年此後非事關緊要者不錄
- 一 考邑自乾隆四十九年移縣治堽陽割舊黃河南岸地與睢州其未割前所有者載之既割後則否其得儀封北岸地既割後所有者載之未割前則否以副實事
- 一 各門類中引用書籍或係採訪悉爲註出以免杜撰之譏
- 一 星野之說本不足信而經度移動地理變遷更不能符合寧付闕如

- 一 山川爲方志中最要條目必不可闕而考邑無一名山即岡陵亦夷爲平原不得不畧其川流又細甚則別歸水利門黃河爲經過事亦附見焉
- 一 事紀所錄清室諭旨必据有考城明文者餘皆不錄
- 一 賦役財政悉据現在調查紀錄舊志所載皆不輟
- 一 職官選舉二表自康熙三十七年至乾隆四十九年舊案淪於河無由稽察惟表其有實据者
- 一 人物傳多用正史古籍以免割裂之弊所錄悉實爲考邑人其惟稱濟陽人者援大清一統志例錄之若儀封割歸考邑後而其科名仍舊貫者悉不入志中所稱秀才舉人有用古稱者用後代名者以書成倉卒未能畫一閱者諒之
- 一 列女傳義例遵范曄後漢書之舊末爲附表以簡馭煩爲古方志所無
- 一 舊志諸序或爲志原或爲序錄另爲一卷是編援蔣氏河陰縣志例歸雜記中
- 一 是編纂錄不無依据其中失檢之處亦所難免惟望博雅君子指而正之

考城縣志叙錄

禹縣舉人田春同撰

稽古有虞益地陳圖職方所掌精確不誣圖經云亡地理益粗爰復舊觀方志其初述輿圖第一

忽縣忽郡忽道忽軍忽省忽置忽合忽分督儒杜撰治絲而棼疏証今古方可息紛述沿革第二

春秋秉筆萬殊一本有經無傳斧鉞華衰聞見異辭事增文損簡久趨煩化基於渾述大事記第三

考之爲縣始於漢章舊國惟戴地近外黃城郭涂巷翼翼將將不常厥居孰紀孰綱述建置第四

漢立令長主簿兼資宋設都監拱衛京畿文武備官豈惟儒師循酷貪廉各有等差述職官表第五

考城縣志

卷一

土地荒蕪政俗砮礮我置我理厥維田賦錢穀兵刑悉由此布富教兼施何異鄒魯

述田賦第六

詩十五國土產惟詳草木鳥獸遷地弗良地理食貨貴賤無常加以製造富甲四方述物產第七

國有璧雍邑有泮宮光我俎豆羣賢英英先聖先師日月六經新舊兼探道乃大融述學校第八

國家治亂人才是賴立制不同在士自愛茂才異等將相中外羣士濯磨造成世界述選舉表第九

齊會葵亭吳通黃溝夕陽荒草霸業千秋騷人逸士與古爲儔我不見兮天地悠悠述古蹟第十

六藝九流各有淵源名山著述百代永傳司空經學醴陵文編朝華夕采輝映中原述藝文第十一

希世之寶樂石吉金前歐後趙著錄如林審厥欺識鼎尊可尋剗苔剔蘇業絕古今
述金石第十二

猛虎在山藜藿不採大賢在邑敵人計改文曜日星武事甲鎧心照汗青名留千載
述人物第十三

後漢晉朝皆錄雜事爰采逸說分別同異義存勸懲言外得意相錯成文以終厥志
述雜記第十四

考城縣志目錄

卷一

輿圖志 疆域附

卷二

沿革志

卷三

事記

卷四

建置志

城池

官署

壇壝

廟祀寺觀附

坊表

隄防

營壘

郵政附

津梁

卷五

職官表

封爵表

附傳

考

城

縣

志

卷一

卷六

田賦志

田賦

戶口附

財政

兵政

刑政

倉儲

郵政

鹽政

水利 黃河附

卷七

物產志

禮俗附

卷八

學校志

祀孔典禮

廟學

書院

義學

學校

卷九

選舉表

卷十



古蹟志

古地 城池 陵墓 宮室 亭臺 園囿

卷十一

藝文志

卷十二

金石志

卷十三

人物列傳

名宦 名臣 治績 忠義 篤行 儒林 文苑 隱逸 方技 釋老 寓

賢 列女

卷十四

雜記

有太陽系然後有地球有地球然後有世界有世界然後有中國有中國然後有河南省有河南省然後有考城縣考城方位不可不詳也故先之以輿圖圖必有沿有革故次之以沿革沿革必有事故次之以大事事之大者莫如設險故次之以建置有險必官以守之故次之以職官官盡職而後土地闢故次之以田賦壤成賦者物必豐故次之以物產物產富者以教加焉故次之以學校學校立則人才出故次之以選舉有名者必有實故次之以古蹟蹟之傳不可無文也故次之以藝文文之勝者必返其質故次之以金石文質彬彬然後君子故次之以人物人物遠大者不遺纖細故次之以雜記終焉

考城縣志卷一

輿圖志

方志之必需乎圖誰昔然矣周禮地官土訓掌道地圖以詔地事顧命陳寶河圖與天球並重蕭何入秦收府中圖籍沛公得知要害險夷卒成帝業載在史冊不可忽也世界國家之所重一邑一鎮何獨不然唐宋州郡之書多號圖經而元和郡縣志等皆書存圖亡陵谷變遷華離混淆雖奇異之士亦難爬梳不獨管仲伐楚誤稱昭王南征不復曹操討烏桓並案丁零盜蘇武牧羊也近代方志力懲斯弊而其爲圖亦不可爲典要或逐於景物山水摩畫工其繪事無當史裁至每縣必有八景更可哂笑或廁於序目凡例視同弁髦不爲繫說命名釐定篇次則不可以立體皆所不取考城舊志暨歸德府衛輝府非不有圖而簡畧殊甚今首列全圖次分圖若干附圖若干以開方計里爲經以山水村落爲緯凡重要有關攻守交通者皆詳注焉欲爲治者繚若指掌不迷施舍云

考

城

縣

志

卷一

爾志輿圖

附疆域

位置

縣治在禹貢豫州之域河南行省之東鄆豫東道治之東北去開封一百三十里舊黃河南岸地割歸睢縣而得儀封北岸地七里廣五十五里袤百一十里

形勢

考城居睢之北通曹濮路

舊歸德府志

地連魯衛之墟道通汴宋之境東挹瀕孟西接浚儀黃河遶其北盟台拱其南齊桓用之奔走列辟其形勢有足尙焉

陳志

東通曹濮西衛大梁南障睢陽北控東明爲兗豫之咽喉乃汴洛之左臂清咸同間屢駐重兵以制捻匪民國因之每於此處防禦亂黨近（日吳巡閱使）擬築汽車自柳河至考城以通曹邑將來必爲繁盛之地

氣候

考邑氣候較開封稍爲調和以攝氏風雨寒暑表驗之夏沸點至九十四度冬冰點至零十四度春秋溫和五十度五十六度不等風多雨量不恒足

道里

東至山東曹縣界三十里南至寧陵縣界三十五里西至儀封縣界二十里北至直隸長垣縣界二十五里延五十五里表七十五里陳志

考城縣在府治西北一百二十里東至曹縣界三十里到縣五十里南至寧陵縣界三十五里到縣七十里西至儀封縣界二十里到縣六十里北至直隸長垣縣界二十五里到縣一百六十里東南到府城一百二十里西南到睢州九十里東北到定陶九十里西北到封邱縣二百里廣五十五里表七十五里歸德府志

陳錫輅按考城志稱至不稱到茲特分析改正歸德府志

東至曹縣大寨集界四十里到縣一百一十里

北至東明縣裴子岩寨界三十五里越長垣境到縣九十里南至睢縣高小集界越蘭封境五十里到縣一百二十里東南至商邱縣界牌集界一百二十里到縣一百八十里

西北至長垣縣南北隄村界八里到縣七十里

西南至蘭封縣瓜營集界十八里到縣四十五里

交通

東至曹縣五十里路通虞城縣南至寧陵七十里路通柘城縣西至儀封六十里路通開封府北至長垣一百六十里路通大名府東南至歸德府一百二十里路通永城縣西南至睢州九十里路通太康縣東北至定陶九十里路通兗州府西北至封邱二百里路通延津縣自縣治至北京師陸路一千五百里南至江寧府陸路九百五十里陳志

東之曹縣官道經茨蓬集小宋集

舊有墩堡今廢

又經董堂寨入境

南之甯陵

東北之東明縣官道越長垣境又東北經裴子岩寨入境

南之睢縣官道經土山寨越蘭封境又南經高小集入境

東南之商邱縣官道經王朝壘舊有墩堡今廢又東經北關集顏家集入境

西南之蘭封縣官道經西南爪營入境

西北之長垣縣官道經南北隄村入境

區域

考城縣領編戶十一里曰盟台鄉希賢鄉歸厚鄉黃村鄉堽德鄉傅村鄉順義鄉子惠鄉崇德鄉遵義鄉遵道鄉舊歸德府志

考城縣原額十一鄉於乾隆四十九年收併儀封縣七里共十八里查現在

東鄉 傅村鄉 堽一里 堽二里

南鄉 黃村鄉

東南鄉 盟台鄉 希賢鄉 歸厚鄉 堽德鄉 順義鄉

崇德鄉 遵義鄉 遵道鄉 隱四里

東北鄉 隱三里 崇二里 麟一里

在城 隱一里 以上府衛輝 府志

按儀封縣志隱者隱賢鄉崇者崇化鄉堽者堽陽鄉麟者麟遊鄉堽本二里全劃歸考崇本三里惟第二里劃歸麟本二里惟第一里劃歸隱本四里惟第一第三第四劃歸故曰七儀儀封所有者隱第二里崇第一里第三里麟第二里與原有在坊鄉一里通安鄉二里圈頭鄉一里也

考城現分十六地方

堽陽地方 茨蓬地方 雷寺地方 青陵岡地方 沉沉地方

小宋地方 董堂地方 楊橋地方 賀村地方 大劉寨地方

舊城地方 付村塔地方 盟台地方原名白水牛 新興地方 考城地方